

Broj: 03-03- 7. redovna sjed. - 661/23

Datum: 05.07.2023. god.

Vijeće Fakulteta na 7. redovnoj sjednici održanoj dana 05.07.2023. godine, a na osnovu Prijedloga Plana nastave akademske 2023/2024. godine za prvi ciklus studija - studijski program Islamske teologije, Islamske vjeronauke i religijske pedagogije, studijski program za imame, hatibe i muallime i drugi ciklus studija – Master islamskih studija i Master imameta donosi

ODLUKU

Usvaja se plan nastave za studijsku 2023/2024. godinu sa listom nastavnika za prvi ciklus studija - studijski program Islamske teologije, Islamske vjeronauke i religijske pedagogije, studijski program za imame, hatibe i muallime i drugi ciklus studija – Master islamskih studija, i Master imameta.

Sastavni dio Odluke je tabelarni prikaz plana nastave za prvi i drugi ciklus studija.

Akt obradila i kontrolisala Emina Muderizović, dipl. prav., sekretar Fakulteta
Akt odobrio: Prof. dr. Ahmet Alibašić, prodekan za nastavu.



DEKAN:
Prof. dr. Mustafa Hasani

Dostavljeno:

- 1x Senat Univerziteta
- 1x Prod. za nastavu
- 1x Studentska služba
- 1x Oglasna ploča/web
- ☒ Uz zapisnik
- 1x a/a

Broj: 03-03-7. red. sjed.- 664 /23
Datum 05.07.2023. god.

Na osnovu člana 69. stav 1), 112. stav 1. i 2) Zakona o visokom obrazovanju, ("Službene novine Kantona Sarajevo" broj: 36/22), člana 193., 194., 201., 202. i 203. Statuta Univerziteta u Sarajevu, broj: 01-1093-3-1/18 od 28.11.2018. godine, a u skladu sa dinamičkim planom potreba Fakulteta za raspisivanjem konkursa za izbor u zvanje u akademskoj 2022/2023. godini koji je usvojen odlukom Vijeća Fakulteta islamskih nauka Univerziteta u Sarajevu broj: 03-03-9. red. elek. sjed. – 914-2 /2 od 07.09.2022. godine, Vijeće Fakulteta je na 7. redovnoj sjednici održanoj 05.07.2023. godine, donijelo

ODLUKU

I Raspisuje se Konkurs za izbor saradnika u zvanje:

- viši asistent, naučna oblast Filologija Kur'ana/Kuranski i hadiski arapski jezik, 1 izvršilac, puno radno vrijeme (nalazi se u tabeli 3. pod rednim brojem 6. u dinamičkom planu)

II – Tekst Konkursa je sastavni dio Odluke.

III – Odluka stupa na snagu nakon što Rijaset, Uprava za obrazovanje i nauku i Senat Univerziteta u Sarajevu daju saglasnost na istu.

Obrazloženje

Shodno dinamičkom planu potreba Fakulteta za raspisivanjem konkursa za izbor u zvanje u akademskoj 2022/2023. godini (Odluka o usvojenom dinamičkom planu br: (03-03- 9. red. elek. sjed. - 914/22 od 07.09. 2022. godine), tabela 3. konkursi za izbor u isto ili više zvanje nastavnika, tačka 6.), te članu 121. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22) i člana 201. Statuta, broj: 01-1093-3-1/18 od 28.11.2018. godine, Katedra za Filologiju Kur'ana je predložila pokretanje procedure za izbor u saradnika u zvanje: viši asistent, naučna oblast Filologija Kur'ana, 1 izvršilac (puno radno vrijeme).

Shodno navedenom prijedlogu Katedre, a u skladu sa članom 121. Zakona o visokom obrazovanju i članom 201. Statuta Univerziteta u Sarajevu, te odredi člana 17. Pravilnika o organizaciji i radu Rijaset, Vijeće Fakulteta islamskih Univerziteta u Sarajevu je, na 7. redovnoj sjednici održanoj 05.07.2023. godine, donijelo odluku kao u dispozitivu.

Nakon saglasnosti Rijaset, Uprava za obrazovanje i nauku i Senata Univerziteta u Sarajevu, Fakultet islamskih Univerziteta u Sarajevu će, u skladu sa odredbama Zakona i Statuta, provesti konkursnu proceduru.

Akt obradila i kontrolisala Emina Muderizović, dipl. prav., sekretar Fakulteta

Akt odobrio: Prof. dr. Ahmet Alibašić, prodekan za nastavu



DEKAN

Prof. dr. Mustafa Hasani

1. Rijaset, Uprava za obrazovanje i nauku
2. Senat Univerziteta u Sarajevu
3. Uz zapisnik
4. a/a

Broj: 03-03-7. redovna sjed.- 668/23
Datum 05.07.2023. god.

Vijeće Fakulteta islamskih nauka u Sarajevu na svojoj 7. redovnoj sjednici održanoj dana 05.07.2023. godine, a na osnovu člana 48. Pravila studiranja za treći ciklus studija na Univerzitetu u Sarajevu - doktorski studij, te Izvještaja Komisije o odbranjenoj doktorskoj disertaciji pod naslovom: "Fikh muslimanskih manjina u Njemačkoj: uspostava, primjena i implikacije" kandidata mr. Bilala Hodžića, donosi

ODLUKU

Izvještaj komisije o odbranjenoj doktorskoj disertaciji pod naslovom: "Fikh muslimanskih manjina u Njemačkoj: uspostava, primjena i implikacije" kandidata mr. Bilala Hodžića, se usvaja i isti sa drugom dokumentacijom o odbranjenoj doktorskoj disertaciji dostavlja Rektor Univerziteta radi promocije doktoranta.

Akt obradila i kontrolisala Emina Muderizović, dipl. prav., sekretar Fakulteta
Akt odobrio: Prof. dr. Zehra Alispahić, prodekanesa za naučnoistraživački rad



DEKAN
Prof. dr. Mustafa Hasani

Dostavljeno:
1x Senat Univeziteta
1x U dosje
1x Ogl.pl.
1x Uz zapisnik
1x a/a.

Broj: 03-03- 7. redovnoj sjed.- 681/23
Datum 05.07.2023. god.

Vijeće Fakulteta islamskih nauka u Sarajevu je na 7. redovnoj sjednici održanoj dana 05.07.2023. godine, a na osnovu prijedloga za imenovanje Komisije za ocjenu i odbranu projekta, radne verzije i doktorske disertacije pod naslovom: "Teološko i mitološko u Srpskoj pravoslavnoj crkvi" kandidata mr. Muhameda Hafizovića donosi

PRIJEDLOG

Komisije za ocjenu i odbranu projekta, radne verzije i doktorske
disertacije

Mr. Muhameda Hafizovića, studenta trećeg ciklusa studija na Fakultetu islamskih nauka Univerziteta u Sarajevu.

Naslov doktorske disertacije: "Teološko i mitološko u Srpskoj pravoslavnoj crkvi"

Komisija u sastavu:

1. dr. Adnan Silajdžić, redovni profesor Fakulteta islamskih nauka Univerziteta u Sarajevu, naučna oblast akaid (dogmatika), tesavvuf i uporedne religije, **predsjednik**
2. dr. Nedžad Grabus, redovni profesor, mentor i član Fakulteta islamskih nauka Univerziteta u Sarajevu, naučna oblast akaid (dogmatika), tesavvuf i uporedne religije, **mentor, član**
3. dr. Almir Pramenković, vanredni profesor Fakulteta islamskih nauka u Novom Pazaru, naučna oblast akaid i komparativne religije, **član i**
4. dr. Samed Omerdić, docent, Islamski pedagoški fakultet - Univerzitet u Zenici, naučna oblast Akaid, **zamjenik člana.**

Akt obradila i kontrolisala Emina Muderizović, dipl. prav., sekretar Fakulteta
Akt odobrio: Prof. dr. Zehra Alispahić, prodekanesa za naučnoistraživački rad



DEKAN

Prof. dr. Mustafa Hasani

Dostavljeno:
1x Senat Univerziteta
1x Vijeće Dokt. Stud.
1x U dosje kandidata
1x Ogl.pl./web
☒ Uz zapisnik
1x a/a.

Broj: 03-03- 7. redovnoj sjed.- 670 /23
Datum 05.07.2023. god.

Vijeće Fakulteta islamskih nauka u Sarajevu je na 7. redovnoj sjednici održanoj dana 05.07.2023. godine, a na osnovu prijedloga za imenovanje Komisije za ocjenu i odbranu projekta, radne verzije i doktorske disertacije pod naslovom: "Koncept izvrsnosti kroz prizmu sunneta Poslanika, s.a.v.s." kandidata mr. hafiza Ammara Bašića donosi

PRIJEDLOG

Komisije za ocjenu i odbranu projekta, radne verzije i doktorske
disertacije


Mr. hfz. Ammar Bašić, studenta trećeg ciklusa studija na Fakultetu islamskih nauka Univerziteta u Sarajevu.

Naslov doktorske disertacije: "Koncept izvrsnosti kroz prizmu sunneta Poslanika, s.a.v.s."

Komisija u sastavu:

1. dr. hfz. Kenan Musić, vanredni profesor Fakulteta islamskih nauka Univerziteta u Sarajevu, naučna oblast Hadis dr Zuhdija Hasanović, redovni profesor Fakulteta islamskih nauka Univerziteta u Sarajevu, naučna oblast Hadis, **predsjednik**
2. dr. hfz. Abdul-Aziz Drkić, docent Fakulteta islamskih nauka Univerziteta u Sarajevu, naučna oblast Fikh, **član**
3. dr. Zuhdija Hasanović, redovni profesor Fakulteta islamskih nauka Univerziteta u Sarajevu, naučna oblast Hadis, **mentor, član i**
4. dr. Senad Čeman, docent, Fakulteta islamskih nauka Univerziteta u Sarajevu, naučna oblast Fikh, **zamjenik člana**

Akt obradila i kontrolisala Emina Muderizović, dipl. prav., sekretar Fakulteta
Akt odobrio: Prof. dr. Zehra Alispahić, prodekanesa za naučnoistraživački rad


DEKAN
Prof. dr. Mustafa Hasani

Dostavljeno:
1x Senat Univerziteta
1x Vijeće Dokt. Stud.
1x U dosje kandidata
1x Ogl.pl./web
① Uz zapisnik
1x a/a.

Broj: 03-03-45-666/23
Datum 05.07.2023. god.

Na osnovu Zakona o visokom obrazovanju, Statuta Univerziteta u Sarajevu i Pravila Fakulteta Vijeće Fakulteta islamskih nauka Univerziteta u Sarajevu na 7. redovnoj sjednici održanoj dana 05.07.2023. godine, a na osnovu Prijedloga donošenja odluke o imenovanju rukovodioca Katedre za Hadis na Fakultetu, donosi

O D L U K U
o imenovanju rukovodioca katedre

Dr. Zuhdija Hasanović, redovni profesor, naučna oblast Hadis imenuje se za rukovodioca Katedre za Hadis.


II

Rukovodilac Katedre bira se na vrijeme od dvije godine i može biti reizabran.

III

Sastavni dio odluke je potpisana izjave rukovodioca katedre o prihvatanju dužnosti rukovodioca katedre.

Akt obradila i kontrolisala Emina Muderizović, dipl. prav., sekretar Fakulteta
Akt odobrio: Prof. dr. Ahmet Alibašić, prodekan za nastavu.



DEKAN
Prof. dr. Mustafa Hasani



Dostavljeno:
1x Prod. za nastavu
1x Imenovani
1x Katedra
1x Stud. Sl.
1x Oglasna pl./web
☒ Uz zapisnik
☒ a/a.

Broj: 03-03-7. red. sjed. 67/23
Datum 05.07.2023. god.

Na osnovu člana 27. i 93. Pravila Fakulteta, Vijeće Fakulteta islamskih nauka Univerziteta u Sarajevu na 7. redovnoj sjednici održanoj 05.07.2023. godine, a na osnovu Prijedloga za imenovanje komisije za ocjenu i odbranu završnog rada studentice Dženite Tabaković pod naslovom: "Nana Asma'u (1793-1864): život i djelo" donosi

ODLUKU

o imenovanju Komisije za ocjenu i odbranu završnog rada

studentice Dženite Tabaković pod naslovom: "Nana Asma'u (1793-1864): život i djelo"

u sastavu:

1. Prof. dr. Ahmet Alibašić, predsjednik
2. Prof. dr. Amira Trnka-Uzunović, član
3. Prof. dr. Asim Zubčević, mentor i član

II

Zadatak Komisije je da obavi konačnu ocjenu i proceduru odbrane završnog rada kandidata. Dženite Tabaković.

Akt obradila i kontrolisala Emina Muderizović, dipl. prav., sekretar Fakulteta
Akt odobrio: Prof. dr. Ahmet Alibašić, prodekan za nastavu.



DEKAN
Prof. dr. Mustafa Hasani

Dostavljeno:

- 1x Imenovana
- 1x Članovi Komisije
- 1x Dosje
- 1x Ogl. pl.
- 1x Uz zapisnik
- 1x a/a.

Broj: 03-03-7. red. sjed. - 616/23
Datum 05.07.2023. god.

Vijeće Fakulteta islamskih nauka Univerziteta u Sarajevu na svojoj 7. redovnoj elektronskoj sjednici održanoj dana 05. 07.2023. godine, a na osnovu Prijava teme završnog rada kandidata Amara Grahovića, studenta II ciklusa studija pod naslovom: "Stavovi muslimana o kadaveričnoj transplanaciji na području Unsko-sanskog kantona" donosi

ODLUKU

Amaru Grahoviću studentu II ciklusa studija odobrava se tema završnog rada pod naslovom:

"Stavovi muslimana o kadaveričnoj transplanaciji na području Unsko-sanskog kantona"

Imenuje se Komisija za ocjenu i odbrane završnog rada u sastavu:

1. Prof. dr. Nedim Begović, predsjednik
2. Doc. dr. dr. Orhan Jašić, član
3. Doc. dr. Senad Ćeman, mentor i član

II

Zadatak Komisije je da obavi konačnu ocjenu i proceduru odbrane završnog rada studenta Amara Grahovića.

Akt obradila i kontrolisala Emina Muderizović, dipl. prav., sekretar Fakulteta
Akt odobrio: Prof. dr. Ahmet Alibašić, prodekan za nastavu.



DEKAN
Prof. dr. Mustafa Hasani

Dostavljeno:
1x Imenovani
1x Čl. Komisije
1x U dosje
1x Ogl.pl.
1x Uz zapisnik
1x a/a.

Broj: 03-03-7. red. sjed. - 617/23
Datum 05.07.2023. god.

Vijeće Fakulteta islamskih nauka Univerziteta u Sarajevu na svojoj 7. redovnoj elektronskoj sjednici održanoj dana 05. 07.2023. godine, a na osnovu Prijava teme završnog rada kandidata Hilmija Sherbija, studenta II ciklusa studija pod naslovom: "Stilistički tefsir Fādila as-Sāmarrā'ija" donosi

ODLUKU

Sherbi Hilmiju studentu II ciklusa studija odobrava se tema završnog rada pod naslovom:

"Stilistički tefsir Fādila as- Sāmarrā'ija"

Imenuje se Komisija za ocjenu i odbrane završnog rada u sastavu:

1. Prof. dr. Džemal Latić, predsjednik
2. Prof. dr. Orhan Bajrektarević, član
3. Prof. dr. Almir Fatić, mentor i član

II

Zadatak Komisije je da obavi konačnu ocjenu i proceduru odbrane završnog rada studenta Sherbi Hilmija.

Akt obradila i kontrolisala Emina Muderizović, dipl. prav., sekretar Fakulteta
Akt odobrio: Prof. dr. Ahmet Alibašić, prodekan za nastavu.



DEKAN
Prof. dr. Mustafa Hasani

Dostavljeno:
1x Imenovani
1x Čl. Komisije
1x U dosje
1x Ogl.pl.
1x Uz zapisnik
1x a/a.

Broj: 03-03-7. red. sjed. - 672/23
Datum 05.07.2023. god.

Na osnovu člana 19. i 118. Pravila Fakulteta, Vijeće Fakulteta islamskih nauka u Sarajevu na 7. redovnoj sjednici održanoj 05.07.2023. godine, a na osnovu Izvještaja Komisije za ocjenu i odbranu završnog rada studentice Merjem Sefer pod naslovom: "Primjena vizuelno-demonstrativnih metoda u nastavi Islamske vjeronauke" donosi

ODLUKU

Javna odbrana završnog rada studentice Merjem Sefer pod naslovom:

"Primjena vizuelno-demonstrativnih metoda u nastavi Islamske vjeronauke"

zakazuje se za dan 17.07.2023. godine (ponedjeljak) sa početkom u 14:00 sati na Fakultetu islamskih nauka Univerziteta u Sarajevu.

Akt obradila i kontrolisala Emina Muderizović, dipl. prav., sekretar Fakulteta
Akt odobrio: Prof. dr. Ahmet Alibašić, prodekan za nastavu.


DEKAN
Prof. dr. Mustafa Hasani

Dostavljeno:

1x Imenovana

1x Članovi Komisije

1x U dosje kandidata

1x Ogl. pl.

1x Uz zapisnik

1x a/a.

Broj: 03-03-7. red. sjed. - 673/23
Datum 05.07.2023. god.

Na osnovu člana 19. i 118. Pravila Fakulteta, Vijeće Fakulteta islamskih nauka u Sarajevu na 7. redovnoj sjednici održanoj 05.07.2023. godine, a na osnovu Izvještaja Komisije za ocjenu i odbranu završnog rada kandidata Halida Hajdarevića pod naslovom: "Fikhske teme u Takvimu od 1951. do 1997. godine" donosi

ODLUKU

Javna odbrana završnog rada studenta Halida Hajdarevića pod naslovom:

"Fikhske teme u Takvimu od 1951. do 1997. godine"

zakazuje se za dan 13.07.2023. godine (četvrtak) sa početkom u 09:00 sati na Fakultetu islamskih nauka Univerziteta u Sarajevu.

Akt obradila i kontrolisala Emina Muderizović, dipl. prav., sekretar Fakulteta
Akt odobrio: Prof. dr. Ahmet Alibašić, prodekan za nastavu.



DEKAN
Prof. dr. Mustafa Hasani

Dostavljeno:
1x Imenovani
1x Članovi Komisije
1x U dosje kandidata
1x Ogl. pl.
1x Uz zapisnik
1x a/a.

Broj: 03-03-7. red. sjed. - 674/23
Datum 05.07.2023. god.

Na osnovu člana 19. i 118. Pravila Fakulteta, Vijeće Fakulteta islamskih nauka u Sarajevu na 7. redovnoj sjednici održanoj 05.07.2023. godine, a na osnovu Izvještaja Komisije za ocjenu rada i odbranu završnog rada studentice hfz. Amine Imamović pod naslovom: "Tedžvidskotefsirska analiza sedam kirā'eta u suri al-'An'ām", donosi

ODLUKU

Javna odbrana završnog rada studentice hfz. Amine Imamović pod naslovom:

"Tedžvidskotefsirska analiza sedam kirā'eta u suri al-'An'ām"

dana 17.07.2023. godine (ponedjeljak) sa početkom u 11:00 sati na Fakultetu islamskih nauka Univerziteta u Sarajevu

Akt obradila i kontrolisala Emina Muderizović, dipl. prav., sekretar Fakulteta
Akt odobrio: Prof. dr. Ahmet Alibašić, prodekan za nastavu.

DEKAN
Prof. dr. Mustafa Hasani

Dostavljeno:

1x Imenovana

1x Članovi Komisije

1x U dosje kandidata

1x Ogl. pl.

1x Uz zapisnik

1x a/a.

Broj: 03-03-7. red. sjed. - 678 /23
Datum 05.07.2023. god.

Na osnovu člana 27. i 93. Pravila Fakulteta, Vijeće Fakulteta islamskih nauka Univerziteta u Sarajevu na 7. redovnoj sjednici održanoj 05.07.2023. godine, a na osnovu Prijedloga za imenovanje komisije za ocjenu i odbranu završnog rada studenta Mustafe Veladžića pod naslovom: "Razumijevanje misijskog djelovanja Poslanika, s.a.v.s., kroz Sahib imama Buharije" donosi

ODLUKU

o imenovanju Komisije za ocjenu i odbranu završnog rada

studenta Mustafe Veladžića pod naslovom: "Razumijevanje misijskog djelovanja Poslanika, s.a.v.s., kroz Sahib imama Buharije" u sastavu:

1. Prof. dr. Zuhdija Hasanović, predsjednik
2. Prof. dr. hfz. Krnan Musić, mentor, član i
3. Dr. Fadilj Maljoki, član

II

Zadatak Komisije je da obavi konačnu ocjenu i proceduru odbrane završnog rada kandidata. Mustafe Veladžića.

Akt obradila i kontrolisala Emina Muderizović, dipl. prav., sekretar Fakulteta
Akt odobrio: Prof. dr. Ahmet Alibašić, prodekan za nastavu.


DEKAN
Prof. dr. Mustafa Hasani

Dostavljeno:

- 1x Imenovana
- 1x Članovi Komisije
- 1x Dosje
- 1x Ogl. pl.
- 1x Uz zapisnik
- 1x a/a.

Broj: 03-03-7. Redovna sjed.- 679/23
Datum: 05.07.2023. god.

Vijeće Fakulteta na 7. redovnoj sjednici održanoj 05.07.2023. godine, a na osnovu Prijedloga donošenja odluke o imenovanju tima za izradu prijedlog plana i programa Ikbalove katedre donosi

ODLUKU

I

o imenovanju tima za izradu prijedlog plana i programa Ikbalove katedre

u sastavu:

1. Prof. dr. Džemal Latić, predsjednik
2. Prof. dr. hafz. Kenan Musić, član
3. Prof. dr. Almir Fatić, član
4. Prof. dr. Zehra Alispahić, član
5. Prof. dr. Amina Arnautović, član
6. Dr. Fadilj Maljoki, član, sekretar

II

Tim iz tačke I ove Odluke će sačiniti prijedlog plana i programa Ikbalove katedre, te će dostaviti Vijeću na razmatranje i usvajanje.



DEKAN:

Prof. dr. Mustafa Hasani

Dostavljeno:

1x Imenovani

1x Uz zapisnik

1x a/a.

Broj: 03-03-7. red. sjed. -718 /23
Datum 05.07.2023. god.

Na osnovu člana 27. i 93. Pravila Fakulteta, Vijeće Fakulteta islamskih nauka Univerziteta u Sarajevu na 5. elektronskoj sjednici održanoj 14.07.2023. godine, a na osnovu prijedloga Katedra za Hadis (Poslanička tradicija) korekcije naslova teme završnog rada pod naslovom: „Razumijevanje da'vetskog djelovanja u Poslanika, s.a.v.s., kroz Sahih imama Buharije” kandidata Mustafe Veladžića (da'vetsko djelovanje umjesto misijskog) donosi se

ODLUKU

Prihvata se tema završnog rada pod naslovom: „Razumijevanje da'vetskog djelovanja u Poslanika, s.a.v.s., kroz Sahih imama Buharije” kandidata Mustafe Veladžića i mienuje Komisija u sastavu:

1. Prof. dr. Zuhdija Hasanović, predsjednik
2. Prof. dr. hfz. Krnan Musić, mentor, član i
3. Dr. Fadilj Maljoki, član

II

Zadatak Komisije je da obavi konačnu ocjenu i proceduru odbrane završnog rada kandidata. Mustafe Veladžića.

Akt obradila i kontrolisala Emina Muderizović, dipl. prav., sekretar Fakulteta
Akt odobrio: Prof. dr. Ahmet Alibašić, prodekan za nastavu.



DEKAN
Prof. dr. Mustafa Hasani

Dostavljeno:

1x Imenovani

1x Članovi Komisije

1x Dosje

1x Ogl. pl.

1x Uz zapisnik

1x a/a.

Broj: 03-03-7. red. sjed.- 669/23
Datum: 05.07.2023. god.

Vijeće Fakulteta islamskih nauka Univerziteta u Sarajevu na svojoj 7. redovnoj elektronskoj sjednici održanoj dana 05.07.2023. godine, a na osnovu prijedloga programa cjeloživotnog obrazovanja – Kurs „Uvod u izučavanje islama II“, rukovodioca programa cjeloživotnog obrazovanja, prof. dr. Zehre Alispahić, prodekanice za naučnoistraživački rad Fakulteta islamskih nauka Univerziteta u Sarajevu donosi

O D L U K U

o usvajanju prijedloga programa cjeloživotnog obrazovanja – Kurs
„Uvod u izučavanje islama II“

I

Usvaja se prijedloga programa cjeloživotnog obrazovanja – Kurs „Uvod u izučavanje islama II“.

II

Prijedlog programa iz tačke I Odluke dostavlja se Rijasetu, Upravi za obrazovanje i nauku i Senatu Univerziteta u Sarajevu na konačnu saglasnost.

III

Ova odluka stupa na snagu danom donošnja, a prijedlog programa iz tačke I Odluke čini njen sastavni dio.




DEKAN:
Prof. dr. Mustafa Hasani

Dostaviti:

1x Rijaset, Uprava za obrazov. i nauku

1x Senat Univerziteta

1x DIN, prof. dr. Z. Alispahić

1 x Ogl. pl.

4 x Uz zapisnik

1 x a/a.

UNIVERZITET U SARAJEVU
FAKULTET ISLAMSKIH NAUKA



PROGRAM CJELOŽIVOTNOG OBRAZOVANJA
KURS „UVOD U IZUČAVANJE ISLAMA II“
(NA BOSANSKOM JEZIKU)

OPIS PROGRAMA:

Program cjeloživotnog obrazovanja – Kurs „Uvod u izučavanje islama II “ oslanja se na tradiciju „Diplome u islamskim naukama“ koju je Fakultet islamskih nauka Univerziteta u Sarajevu realizirao u periodu od 2005. do 2021. godine. Ovaj Program je Odlukom Senata Univerziteta u Sarajevu na drugoj elektronskoj sjednici od 14. 02. 2022. godine transformiran, ovjeren i prihvaćen kao *Program cjeloživotnog obrazovanja* Kurs „Uvod u izučavanje islama“. Usljed značajnog broja zainteresiranih kandidata iz Bosne i Hercegovine i drugih dijelova svijeta koji su završili ovaj Program, javila se potreba njegovog nastavka na naprednijem, drugom nivou. Program je namijenjen svima koji žele steći nove uvide i produbiti postojeća znanja o temeljnim pojmovima, vrijednostima i vjerovanjima koja su oblikovala muslimansko mišljenje, duhovnost i umjetnost, te društvene i pravne ustanove, posebno na tlu Bosne i Hercegovine.

Pokretanjem programa cjeloživotnog učenja „Diploma u islamskim naukama“ prije više od petnaest godina i njegove transformirane verzije Kurs „Uvod u izučavanje islama“, 2022. godine, Fakultet islamskih nauka želio je dati svoj doprinos ispravnom artikuliranju osnovnih postulata islama i razbijanju brojnih stereotipa o islamu, a modernom čovjeku omogućiti da se na argumentiran način aktivno uključi u brojne debate koje tretiraju pitanja religije i međureligijskog dijaloga.

O PROGRAMU:

Napredni nivo programa Kurs „Uvod u izučavanje islama II“ podijeljen u devet modula: *Razumijevanje Kur'ana u savremenom dobu; Razumijevanje hadisa u savremenom dobu; Razumijevanje islamskog prava u savremenom dobu; Izbor iz klasičnih teoloških učenja; Uvod u studije islamske civilizacije; Predodžbe o islamu i muslimanima u historiografiji i književnosti balkanskih kršćana; Odabrane teme savremenog islamskog mišljenja; Islam i psihologija; Islamska pedagogija.*

Predavanja i diskusije se održavaju dva puta sedmično u amfiteatru Fakulteta islamskih nauka Univerziteta u Sarajevu, a od vremena pandemije i *online*, što je ovom programu dalo i internacionalni karakter. Postoji i varijanta prvog nivoa ovog Programa i na engleskom jeziku za koju smo dobili podršku Ministarstva nauke, visokog obrazovanja i mladih Kantona Sarajevo. (<https://fin.unsa.ba/wp-content/uploads/2023/07/Prospectus-Introduction-to-the-Study-of-Islam-October-2023-1.pdf>)

NOSITELJI PROGRAMA:

Nositelj programa cjeloživotnog obrazovanja – Kurs „Uvod u izučavanje islama II“ je Fakultet islamskih nauka Univerziteta u Sarajevu.

IZVOĐENJE PROGRAMA:

U realizaciji programa cjeloživotnog obrazovanja – Kurs „Uvod u izučavanje islama II“ učestvuju nastavnici i saradnici sa Fakulteta islamskih nauka Univerziteta u Sarajevu, gostujući profesori Univerziteta u Sarajevu, Univerziteta u Tuzli, Univerziteta u Zenici, kao i gostujući stručnjaci iz prakse iz ustanova Islamske zajednice u Bosni i Hercegovini.

POLAZNICI PROGRAMA:

Kurs „Uvod u izučavanje islama II“ namijenjen je svima koji žele učiti o islamu, bez obzira na lična uvjerenja i opredjeljenja. Dosadašnji polaznici dolazili su iz različitih sfera društva, bili su to studenti postdiplomci, novinari, diplomate, penzioneri, uposlenici u školstvu, kulturi, politici, upravi i nevladinom sektoru, muslimani i pripadnici drugih religijskih zajednica, svećenici, časne sestre, građani Bosne i Hercegovine, kao i brojni gosti iz svijeta.

TRAJANJE PROGRAMA:

Ukupno opterećenje polaznika je 200 sati (predavanja i diskusije, virtualne i uživo posjete ustanovama Islamske zajednice, priprema ispitne literature i polaganje ispita, te pisanje istraživačkog rada u saradnji sa mentorom).

LOKACIJA I VREMENSKI OKVIR:

Kurs „Uvod u izučavanje islama II“, kao napredni nivo „Uvod u izučavanje islama I“ je zamišljen kao tromjesečni program koji se realizira u dvije varijante: na Fakultetu islamskih nauka i *online*, na bosanskom jeziku. *Online* varijanta otvara prostor nerezidentnim kandidatima da prate ovaj program koji je u toku pandemije COVID-19 poprimio internacionalni karakter. U program su se uključili kandidati iz 14 zemalja, sa tri kontinenta, građani Bosne i Hercegovine, kao i gosti sa prostora bivše Jugoslavije koji govore i razumiju bosanski jezik.

JEZIK PREDAVANJA: bosanski jezik.

NASTAVNI PLAN I PROGRAM KURSA „UVOD U IZUČAVANJE ISLAMA“:

NAZIV PROGRAMA CJELOŽIVOTNOG OBRAZOVANJA:		
Kurs „Uvod u izučavanje islama II“ (program na bosanskom jeziku)		
Nosilac Programa cjeloživotnog obrazovanja:	Predavanje i interaktivne diskusije + posjete institucijama (virtualne ili uživo) + ispit + izrada završnog eseja	Ukupno:
NOSIOCI MODULA: Fakultet islamskih nauka Univerziteta u Sarajevu je nosilac Programa, uz učešće profesora Fakulteta islamskih nauka, profesora i javnih radnika sa drugih fakulteta i univerziteta u svojstvu gostujućih predavača i uposlenika Islamske zajednice kao stručnjaka iz prakse.	72 + 8 + 72 + 48	200
Predavači i stručnjaci iz prakse: Predavači sa Pravnog fakulteta UNSA; Predavači sa Ekonomskog fakulteta UNSA; Predavači sa Fakulteta političkih nauka UNSA; Predavači iz Instituta za islamsku tradiciju Bošnjaka;		

Predavači iz Instituta za društvene u religijske studije iz Tuzle; Predavači iz Gazi Husrevbegove medrese i biblioteke; Predavači iz Tarikatskog centra u Sarajevu; Stručnjaci i uposlenici Islamske zajednice u Bosni i Hercegovini		
Cilj programa Kurs „Uvod u izučavanje islama“ je da polaznici programa cjeloživotnog obrazovanja steknu nove uvide i prodube postojeća znanja o temeljnim pojmovima, vrijednostima i vjerovanjima koja su oblikovala muslimansko mišljenje, duhovnost i umjetnost, te društvene i pravne ustanove, posebno na tlu Bosne i Hercegovine te da se na taj način mogu kvalitetno uključiti u brojne debate na putu pravilne prezentacije islama, na naprednom nivou. Istovremeno, Kurs „Uvod u izučavanje islama II“ jača uvjerenje dijelu akademske populacije da neformalna edukacija o vjeri nema vremenskih ni prostornih granica. Program: Program je podijeljen u devet modula: I MODUL - RAZUMIJEVANJE KUR'ANA U SAVREMENOM DOBU Ovaj modul će se realizirati kroz tri glavne teme: 1.Uvod u kur'anske nauke Cilj prve teme jeste uvođenje u kur'anske nauke kao neophodnog koraka ka ispravnom razumijevanju i tumačenju Kur'ana. Bit će ponuđene osnovne informacije o kur'anskim naukama kao što su: nauka o povodima objave Kur'ana, nauka o čitanju (učenju) Kur'ana, nauka o mekkanskoj i medinskoj objavi Kur'ana i dr. Ukazat će se na njihov značaj i važnost u ponesu razumijevanja Kur'ana. 2.Tumačenje nekih kur'anskih sura: El-Fatiha, El-Ihlas, El-Felek, En-Nas Ova tema ima za cilj upoznavanje s postupkom egzegeze/tefsira/tumačenja Kur'ana na primjeru nekoliko izabranih kur'anskih sura. Putem tog postupka objasniti će se značenja		

riječi i termina unutar tih sura, razotkriti njihova sintaksička i semantička struktura kao i njihove glavne teme.

3. Savremeno interpretiranje Kur'ana u Evropi i na Zapadu

Kroz treću temu bit će predstavljene najvažnije informacije o savremenom tumačenju Kur'ana: najznačajnijim protagonistima, njihovim djelima, metodama, pristupima, temama, izazovima.

II MODUL – RAZUMIJEVANJE HADISA U SAVREMENOM DOBU

Ovaj modul će se realizirati kroz pet glavnih teme:

1. Tumačenje hadisa: Historijska perspektiva

Govorit će se o žanrovima hadiske literature u kojima se hadisi tumače i formama tumačenja hadisa. Ova tematska cjelina obuhvata tumačenje hadisa od Poslanika, s.a.v.s., ashaba i tabiina, tumačenje hadisa unutar hadiskih zbirki, hadiska djela o nejasnim i manje jasnim riječima, hadiska djela o prividno problematičnim hadisima, hadiska djela o povodima izricanja hadisa, hadiska djela o derogirajućim i derogiranim hadisima, tumačenje hadisa u okviru utvrđivanja vjerodostojnosti hadisa, tumačenje hadisa u djelima iz drugih (islamskih) nauka i komentare hadisa;

2. Principi i pristupi u tumačenju hadisa

Govorit će se o različitim indicijama/argumentima koji se uzimaju u obzir prilikom tumačenja hadisa i tendencijama zbog kojih dolazi do razilaženja u tumačenju hadisa. Bit će tretirane jezičke/verbalne, kontekstualne i racionalne indicije kao argumenti da hadis ima određeno značenje. Pored toga, bit će ukazano na to da razlike među muslimanskim učenjacima po pitanju tumačenja hadisa nastaju zbog različitih pristupa ovim indicijama;

3. Kontekstualno tumačenje hadisa

U okviru ove tematske cjeline bit će zasebno obrađen jedan od najvažnijih principa za razumijevanje hadisa, posebno u savremenom dobu. Bit će ukazano na različite elemente i klasifikacije konteksta i njihovu važnost za tumačenje hadisa. Bit će navedeni i reprezentativni primjeri hadisa čiji je kontekst od presudne važnosti za njihovo razumijevanje.

4. Tumačenje hadisa u svjetlu Kur'ana

Kur'an daje osnovne smjernice za uspostavljanje islama kao svjetonazora i one su njegov temelj, dok ih hadis na različite načine objašnjava i detaljizira. Sunnet omogućava istraživačima i znanstvenicima da cjelovitije, dublje i jasnije razumiju Božiju Riječ, s druge strane, razumijevanje i tumačenje sunneta uvijek mora ostati u okvirima kur'anskih intencija i principa. Sasvim je jasno da se mnogi kur'anski pojmovi i koncepti, posebno njihovo realiziranje i dosljedno provođenje u praksu ne mogu razumjeti i realizirati bez sunneta Božijeg Poslanika, s.a.v.s. S druge strane, veoma mnogo konfuzije i pogrešnog razumijevanja islama općenito izazvano je zbog toga što se hadisi nisu razumijevali u skladu s kur'anskim ajetima.

5. Tumačenje hadisa u kontekstu drugih predaja i cjelovitog uzornog života Muhammeda, s.a.v.s.

Svaki pojedinačni hadis treba dovesti u vezu s korpusom hadisa koji govore o istoj temi i razumijevati ga kao dio cjeline, ukupne strukture, uzimajući u obzir ukupno i cjelovito značenje svih hadisa koji govore o toj temi. Cjeloviti korpus Poslanikovih, s.a.v.s., hadisa je poput ljudskog života. Svaki dio života ima svoju relativnu cjelovitost (rođenje, obrazovanje, ženidba/udaja, posao), ali je potpuno razumljiv tek kada se posmatra kao dio cjelovitog života.

III MODUL - RAZUMIJEVANJE ISLAMSKOG PRAVA U SAVREMENOM DOBU

Ovaj modul će se realizirati kroz četiri glavne teme:

1. Konceptualizacija umjerenosti (wasatiyya) u islamskom pravu i praksi Islamske zajednice u Bosni i Hercegovini

Govorit će se o savremenom razumijevanju Šerijata i tumačenju vjerskih propisa u duhu zadatosti i promjenjivosti norme, tradicionalnosti i modernosti prakse i koncepta umjerenosti koji Islamska zajednica u Bosni i Hercegovini primjenjuje u tumačenju vjerskih propisa. Modul bi bio nastavak ranijem modulu o samostalnom zaključivanju šerijatskih pravnikar i krajnjoj svrsi islamskih propisa;

2. Institucionalni pristup razmatranju savremenih fikhskih pitanja

Institucionalno tumačenje islamskih propisa je pristup koji je zastupljen u djelovanju Islamske zajednice u Bosni i Hercegovini. Temat obrađuje pitanje autoritativnosti u vjeri i tehniku normiranja novonastalih vjerskih pitanja. Govorit će se o tome na koji način vjernici danas mogu postaviti pitanje i dobiti odgovor iz domena islamske dopuštenosti ili zabranjenosti određenog pitanja. Bit će govora o tome koja metodologija i koji šerijatskopравни mehanizmi se koriste prilikom razmatranja savremenih muslimanskih dilema;

3. Metodologija izdavanja fetve u savremenom svijetu

U okviru ove tematske cjeline govorit će se o općoj metodologiji izdavanja šerijatskopравne decizije (fetve), njenom historijatu, značaju i perspektivi. Bit će navedeni način na koje se razmatraju savremena fikhska pitanja u okviru međunarodnih akademija za islamsko pravo i nacionalnih vijeća za fetve. Poseban dio temata govorit će o radu Vijeća muftija Islamske zajednice u Bosni i Hercegovini i službenom tumačenju vjerskih propisa od strane ovlaštene osobe fetva-i emina.

4. Značaj vakufa u Bosni i Hercegovini i važnost investiranja u vakufe u narednom periodu

Islamske zadužbine (vakufi) zauzimaju važno mjesto u životu bosanskohercegovačkih muslimana. Većina muslimanskih sakralnih objekata su vakufi pa bi vjerski život bez vakufa

bio gotovo nezamisliv. Govorit će se o trenutnom stanju i perspektivi vakufa sa posebnim osvrtom na važnost investiranja u oblasti muslimanskog dobročinstva inspirisanoga vjerom u ovosvjetsku korisnost i onosvjetsku nagradu za pokazani altruizam i empatiju za opće dobro. Vakufska direkcija Islamske zajednice u Bosni i Hercegovini titulari vakufskim dobrima i nosilac brige o vrijednoj muslimanskoj materijalnoj i nematerijalnoj baštini. Govorit će se o realiziranim aktivnostima i budućim planovima vakufa u Bosni i Hercegovini.

IV MODUL – IZBOR IZ KLASIČNIH TEOLOŠKIH UČENJA

Ovaj modul će se realizirati kroz pet glavnih tema:

1. Teologija imama Ebu Hanife

2. Teologija imama Maturidija

U okviru ovih tema polaznici će biti upoznati sa osnovnim teološkim naukom imama Ebu Hanife i imama Maturidija. Posebna pažnja bit će usmjerena prema njegovom krucijalnome djelu *Kitab al-Tavhid*. Zatim će biti ukazana i pažnja značaju Ebu Hanifine i Maturidijeve teologije za muslimane Balkana.

3. Definicija i povijesni razvoj tesavvufa

U ovom dijelu modula obrađivat će se definicija tešawwufa (sufizma), zatim različite percepcije tešawwufa unutar muslimanskoga miljea, te povijesni razvoj sufizma. U okviru ovog dijela predavanja bit će ponuđen i kratak osvrt na idejno-praktičnu metodologiju tešawwufa kroz aspekt tarikata, odnosno derviških redova, te konačno tarikatsku organizaciju ovih prostora u našem vremenu.

4. Tesavvusko učenje o naravi čovjeka

U nastavku razrade tesavvufske tematike polaznici će imati priliku upoznati se sa jednim od ključnih temata tešawwufskoga nauka općenito, a to je učenje o naravi čovjeka. U okviru ove sekcije predavanja fokus je usmjeren na konkretno duhovno razumijevanje krajnje unutarnje zbilje ljudskoga stvorenja, te njezinu iskonskome počelu, i konačno njezinu odgoju i usavršavanju.

5. Alevije nastanak i razvoj

U posljednjem predavanju pozornost će biti posvećena i pokretu alevija odnosno njihovome nastanku i razvoju.

V MODUL – UVOD U STUDIJE ISLAMSKJE CIVILIZACIJE

Ovaj modul će se realizirati kroz pet glavnih tema:

1. Definicije i suština islamske civilizacije

Modul počinje definicijama pojmova kulture i civilizacije uz kratke napomene o historiji ljudske civilizacije.

2. Muslimanski svijet danas

U okviru ove teme govorit će se o mjestu islamske civilizacije među drugim civilizacijama, njenoj suštini i stanju muslimanskog svijeta danas.

3. Podsistemi islamske civilizacije

Ovaj dio obrađuje različite podsisteme islamske civilizacije kroz vrijeme.

4. Kriza islamske civilizacije

U ovom dijelu će se govoriti o različitim viđenjima krize islamske civilizacije.

5. Muslimanski svijet i Zapad

Posljednji blok tema je posvećen odnosima između muslimanskog svijeta i savremenog Zapada.

Cilj predmeta je uvesti studente u glavne teme studija islamske kulture i civilizacije.

VI MODUL - PREDODŽBE O ISLAMU I MUSLIMANIMA U HISTORIOGRAFIJI I KNJIŽEVNOSTI BALKANSKIH KRŠĆANA

Ovaj modul će se realizirati kroz pet glavnih tema:

1. Islam i muslimani u djelima Filipa Grabovca (1698-1749) i Matije Antuna Relkovića (1732-1798);

2. Opis muslimana u hronikama bosanskih franjevac;

3. Srpski historičari o vjerskim obraćenjima;

4. Ideja hristoslavizma;

5. Islam i muslimani u književnom djelu Ive Andrića.

Znatan dio književnog stvaralaštva balkanskih kršćana, kako usmenog tako i pisanog, obuhvataju „turske“ teme, tj. muslimane i njihovo nasljeđe. Ti sadržaji naročito dolaze do izražaja u modernom dobu kada se rađa i širi ideja nacionalizma, pri čemu je jedna od ključnih odrednica upravo nastojanje da se odrede granice nacionalnog pripadanja u odnosu na druge koji su isključeni iz tog pripadanja, ali čije prisustvo je ipak potrebno za oblikovanje „našosti.“ Slična nastojanja moguće je prepoznati u velikoj mjeri i u historiografiji balkanskih kršćana. Modul propituje slike i predodžbe o muslimanima u književnim i historiografskim djelima balkanskih kršćana, prije svega na slavenskome jugu, te njihovu bitnu povezanost s nacionalizmom.

VII MODUL - ODABRANE TEME SAVREMENOG ISLAMSKOG MIŠLJENJA

Ovaj modul će se realizirati kroz tri glavne teme:

1. Desakralizacija prirode i ekološka kriza: islamski pogled

O fenomenu ekologije se može govoriti na dvije razine, površnoj/plitkoj i dubinskoj. Plitka ekologija se bavi pitanjima zagađenja, otpada, efekta staklene bašte, granicama rasta itd, dok se duboka ekologija bavi metafizičkom, etičkom i političkom dimenzijom zaštite okoliša. Da bismo se suprotstavili „buldožderima“ kapitalizma potrebno je da objedinimo plitku i duboku ekologiju. Kada je riječ o metafizičkoj paradigmi, to se prije svega odnosi na naš doživljaj prirode. Prema mišljenju brojnih, i religijskih autoriteta i svjetovnih mislilaca, uništavanje okoliša ima uzroke u dominantno pozitivističkoj i instrumentalnoj orijentaciji savremene civilizacije koja je svijet potpuno, da upotrijebimo Weberov termin, raščarala i lišila duhovnog fundamenta. Prvi krivac kada je riječ o uništavanju okoliša jeste moderna znanost i nova kulturna paradigma koju je moderna znanost generirala. Kakva je ta paradigma? Ona je individualistička i racionalistička, pri čemu racionalizam ne znači odgovornu upotrebu razuma, već singulariziranje razuma kao autoriteta. Iz ove potpune dominacije razuma nastaju skepticizam i nihilizam, koji opet, čovjeka reduciraju na koncepciju tjelesnih zadovoljstava. Čovjek postaje zarobljenik potrošnje i hedonizma. Ekološka kriza proizilazi iz modernog ekonomskog sistema i svjetonazora koji je utemeljen na pohlepi i stalnom umnožavanju potreba. To je potpuno suprotno učenjima tradicionalnih religija koje su naučavale da čovjek treba da bude zadovoljan sa onim što ima. Jedna njemačka poslovice kaže: „Nema kulture bez asketizma.“ Po prvi put u povijesti, asketizam se doživljava kao porok, a ne vrlina. Religija je u tom smislu važna za rješavanje ekološke krize.

2. Ontologija neprijatelja: Evropa i *Drugi*

Budući da je Evropa ime/oznaka koja sabire mnoga značenja, moguće je pronaći različite odgovore na pitanja *šta* ona jeste i u kojim kategorijama se primarno ogleda njeno povijesno, kulturno i konačno političko bivanje. Ipak, način na koji se to *šastvo* Evrope odnosilo spram *drugih/drugog* - u našem slučaju muslimana kao *drugog* - temeljno je pitanje koje ćemo pokušati pratiti posredstvom nekoliko važnih kretanja unutar intelektualne i kulturne tradicije moderne Evrope. Nema sumnje da taj *drugi* u povijesti samorazumijevanja Evrope funkcioniše kao njen konstitutivni element, te da je on nužan na putu njenog samoozbiljenja. U isto vrijeme, značajan broj autora ističe kako je zapravo *islam* - naročito u posljednje dvije dekade - najznačajnija *drugost* temeljem koje se Evropa (šta god to bilo) primarno samorazumijeva, te da jednako kao i u ranijom povijesti ustrajava na stvaranju određenih konstrukta (kakav je prethodno bio *Orijent*) i diskursa čija se uloga primarno ispunjava u pogodovanju realizacije određenog modusa *moći*, odnosno odabranog svjetonazora a time i ideologijskog oblika svijesti u vezi s kojim je prethodno „postignut konsenzus“ o bezuvjetnom važenju. Da je posrijedi dijalektika stvarnosti u kojoj pojmovi sve manje odgovaraju činjenicama, te da povijest Evrope i njena intelektualna tradicija ne podrazumijeva samo renesansu, prosvjetiteljstvo i racionalizam, nego jednako tako rasizam, antisemitizam, imperijalizam, totalitarizam, islamofobiju i brojne oblike kulturnog potčinjavanja kao nove ideologije 21. stoljeća, činjenica je na koju treba ukazati iz mnoštva razloga.

3. Islam i bioetika

Život je svet, nedodirljiv i ne smije biti podložan instrumentalizaciji. Budući da biotehnološko manipuliranje genima nije vrijednosno neutralno i da je često rukovođeno

samo ekonomskom računicom, vrlo je teško razdvojiti zahtjeve za unapređivanjem (kvaliteta) života od tretiranja života kao pukog raspoloživog predmeta. Islam zahtjeva odgovornost na svim ontološkim razinama i krajnju opreznost kada su u pitanju biotehnoški eksperimenti. Iako poklanja veliku pažnju zdravlju, islamsko poimanje ljudskog života ne može biti reducirano samo na fenomen zdravlja i medicine. Bolest je iskušenje od Boga i na čovjeku je da učini sve što je u njegovoj moći i okvirima morala kako bi je izliječio. Iako čovjek ima ulogu namjesnika na Zemlji, to ne znači da njegovo ponašanje smije biti striktno utilitarističko. Kao etika *namjesničke odgovornosti*, islamska etika je suštinski biocentrična.

VIII MODUL - ISLAM I PSIHOLOGIJA

Ovaj modul će se realizirati kroz dvije glavne teme:

- 1. Teologija i psihologija: mogućnosti i granice dijaloga**
- 2. Autohtona islamska psihologija između afirmacije i osporavanja**

Pitanje načina na koji je moguće i treba promišljati odnos između religije, napose islama i savremene psihološke nauke i psihičkog zdravlja tema je koja decenijama zaokuplja naučnike različitih teorijskih usmjerenja i idejnih opredjeljenja. Pokret za autohtonim psihologijama (engl. *indigenous psychologies*) izraz je postmoderne težnje za razumijevanjem društveno-psiholoških pojava u njihovom izvornom kulturnom habitusu, pritom nužno ne primjenjujući opisne kategorije i eksplanatorne mehanizme preuzete iz dostignuća dominantne zapadnoevropske i sjevernoameričke psihologije. Cilj modula je skrenuti pažnju na ova pitanja, posebno tematizirajući odnos između religije i savremene psihologijske nauke kao društvenih sila koje značajno oblikuju identitet i ponašanje savremenog čovjeka, njihova specifična filozofsko-antropološka polazišta u razumijevanju ljudskog bića s posebnim fokusom na islamsko učenje i mogućnost savremene *autohtone islamske psihologije* i *psihoterapije*.

IX MODUL - ISLAMSKA PEDAGOGIJA

Opis modula

Ovaj modul će se realizirati kroz četiri glavne teme i priredjen je s ciljem predstavljanja temeljnih pitanja pedagogije u islamskoj perspektivi.

1. Utemeljenost islamske pedagogije

Modul otpočinje s temama koje se tiču kur'ansko-sunnetske utemeljenosti islamske pedagogije i njenih temeljnih obilježja poput ciljeva, cjelovitosti u pristupu, svetosti, podstičućeg i transformativnog pristupa kao dominantnih odgojnih strategija itd. Predstavljaju se i glavni obrisi klasičnih islamskih pedagoških teorija. Spomenuti temat pruža uvide u razvoj islamske klasične pedagoške tradicije, pokazujući da su srednjovjekovni muslimanski naučnici poput Ibn Sahnuna, al-Džahiza, al-Farabija, Ibn Sine, al-Gazalija, al-Zernudžija i drugih dali ozbiljne doprinose čovječanstvu u različitim

područjima obrazovanja, različitim područjima pedagogije i didaktike. Dijelom cjelina pokriva i doprinos savremenih islamskih mislilaca pedagogiji.

2. pristupi, principi islamskog odgoja i odgojne metode

Druga značajna cjelina modula Islamska pedagogija predstavlja gledišta o ljudskoj prirodi i odgoju te najdominantnije odgojne metode utemeljene u islamskoj tradiciji - dijalog, podsticanje, uvjeravanje, vježbanje i navikavanje, slušanje, razgovor, metode sprječavanja, preduprjeđivanja, discipliniranja. Principi islamskog odgoja poput svrhovitosti, individualizacije, socijalizacije, dosljednosti, nenasilne komunikacije, povjerenja, poštovanja, altruizma i empatije, emocionalne uravnoteženosti također se prezentiraju u okviru modula.

3. Područja islamskog odgoja

S obzirom da islamska pedagogija teži odgoju cjelovite ličnosti (arapski termin *al-insan al-kamil*) kroz modul se tretiraju neka temeljna područja odgoja predstavljajući intelektualni odgoj (poticanje kritičkog i kreativnog mišljenja), moralni odgoj, estetski odgoj, socijalni, radni, interkulturalni odgoj, interreligijski odgoj te odgoj za ljudska prava u islamskoj perspektivi. U okviru odgoja za ljudska prava pažnja je u modulu posvećena pravima djece i mladih, odgoju među spolovima i pravima žene u porodici i društvu te islamskoj perspektivi o osobama sa teškoćama u razvoju i nepovoljnim položajem.

4. Islamsko obrazovanje i pedagoška misao u Bosni i Hercegovini

Kroz četvrtu cjelinu daje se i pregled islamske pedagoške misli u Bosni i Hercegovini (primjerice pregled pedagoških ideja prisutnih u vakufnamama, odgojno-obrazovnih ideja Džemaludina ef. Čauševića i sl.) i koncepta islamskog odgoja i obrazovanja u mektebima, medresama, islamske vjeronauke u javnom odgojno-obrazovnom sistemu te visokog islamskog obrazovanja.

Opće i specifične kompetencije (znanja i vještine): Nakon završetka programa cjeloživotnog obrazovanja Kurs „Uvod u izučavanje islama II“ kandidati će razviti opće (generičke) i specifične (profesionalne) kompetencije.

U okviru općih sistemskih kompetencija steći će bolju mogućnost autentičnog razumijevanja islama, islamskog učenja, prakse i kulture, posebno na području Bosne i Hercegovine. Unutar instrumentalnih kompetencija program polaznicima omogućava usvajanje temeljne terminologije iz islamskih nauka na bosanskom jeziku, oslobođeno općeprisutnih stereotipa i predrasuda, a s obzirom na interpersonalne kompetencije polaznici će biti u stanju objektivno sagledavati prednosti multikulturalne, multietničke i multireligijske sredine,

kakva je bosanskohercegovačka i uspostavljati međuljudske kontakte i odnose s više povjerenja i iskrenosti.

Kada su u pitanju specifične (predmetne) kompetencije podrazumijeva se da će polaznici produbiti postojeća znanja stečeno na prvom nivou ovog Programa i steći nove uvide o temeljnim pojmovima, vrijednostima i vjerovanjima koja su oblikovala muslimansko mišljenje, duhovnost i umjetnost, te društvene i pravne ustanove, posebno na tlu Bosne i Hercegovine.

Ishodi učenja:

Polaznici će nakon uspješnog savladavanja programa cjeloživotnog obrazovanja - Kurs „Uvod u izučavanje islama II“ moći:

- Objasniti temeljno značenje islamskih svetih tekstova na naprednijem nivou i sa dodatnom argumentacijom.
- Autentično artikulirati temeljne islamske pojmove, vrijednosti, vjerovanja i praksu na naprednijem nivou.
- Identificirati glavna razdoblja, događaje, ličnosti, teme i procese opće historije islama.
- Objasniti porijeklo, prirodu i razvoj islamskoga prava te prepoznati mehanizme primjene u muslimanskim društvima s posebnim osvrtom na rad Vijeća muftija Islamske zajednice u Bosni i Hercegovini i službeno tumačenje vjerskih propisa od strane ovlaštene osobe fetva-i emina.
- Dati pregled razvoja islamske filozofije te najvažnijih tema i mislilaca u klasičnom i modernom islamskom mišljenju.
- Interpretirati temeljne smjernice historije muslimanske kulture, razvoj islamskih institucija i savremeno islamsko mišljenje s fokusom na Bosnu i Hercegovinu.
- Kritički analizirati postojeće narative o islamu i muslimanima i uočavati utemeljena islamska tumačenja.
- Identificirati mjesto islamske civilizacije među drugim civilizacijama, njenu suštinu i stanje muslimanskog svijeta danas.
- Objasniti i argumentirati stav islama o nekim savremenim temama.
- Ostvariti uvid u vezu između religije i savremene psihologijske nauke kao društvenih sila koje značajno oblikuju identitet i ponašanje savremenog čovjeka.
- Ostvariti uvid u temeljna pitanja pedagogije u islamskoj perspektivi.

- Primijeniti stečena znanja na polju međureligijskog dijaloga i razvijanja općenito kvalitetne komunikacije s osobama različitih ideoloških, religijskih i kulturnih tradicija u nastojanju uspostavljanja trajnog mira i uvažavanja među pripadnicima različitih religijskih zajednica, kako u Bosni i Hercegovini, tako i u svijetu.
Način održavanja nastave: Kurs „Uvod u izučavanje islama II“ realizirat će se kroz interaktivna predavanja, debate i posjete značajnim institucijama Islamske zajednice u Bosni i Hercegovini virtualno a po potrebi uživo.
Uvjeti i obaveze polaznika: Uvjet za pohađanje programa Kurs „Uvod u izučavanje islama“: • univerzitetska diploma iz bilo koje discipline, ili • diploma četverogodišnje srednje škole i najmanje tri godine radnog iskustva • završen program Diploma u islamskim naukama (prvi nivo) • završen Kurs „Uvod u izučavanje islama I“.
Način provjere znanja: Polaganje ispita nakon završetka predavanja i posjeta ustanovama. Izrada istraživačkog rada u saradnji s mentorom i njegova prezentacija.
Procjena opterećenja polaznika: ukupno 200 sati (8 ECTS) 1. 72 kontakt sata i 8 sati posjete – 3 ECTS 2. 72 sata pripreme ispitne literature – 3 ECTS 3. 48 sati izrade, pisanja i odbrane istraživačkog rada – 2 ECTS Preporučena literatura: Uz svaki modul kandidatima je preporučena obavezna i dopunska literatura u printanoj ili elektronskoj formi.
Program kreiran prvi put 2005. godine i svake godine mijenjan i dopunjavan.
Program prilagođen drugom nivou: august 2023. godine

Rukovodilac Programa cjeloživotnog obrazovanja:
Prof. dr. Zehra Alispahić,
prodekanica za naučnoistraživački rad


DEKAN:
Prof. dr. Mustafa Hasani

Broj: 03-03- 7-665/23
Datum 05.07.2023. godine

Na osnovu člana 69. i 121. stav 1. Zakona o visokom obrazovanju Kantona Sarajevo („Sl. novine Kantona Sarajevo“, broj: 36/22), a u skladu sa dinamičkom planom potreba Fakulteta za raspisivanje kokursa za izbor u zvanje, Vijeće dnosi

ODLUKU

o raspisivanju konkursa za izbor saradnika na Fakultetu islamskih nauka Univerziteta u Sarajevu

- **SARADNIK** u zvanje **ASISTENTA** za oblast: Akaid, tesavvuf i uporedne religije - 1 izvršilac sa punim radnim vremenom;
- **SARADNIK** u zvanje **ASISTENTA** za oblast Fikh - 1 izvršilac sa punim radnim vremenom.

II

Ova Odluka stupa na snagu danom donošenja, a primjenjuje se po dobijanju saglasnosti Rijaseta, Uprave za obrazovanje i nauku.


III

Prijedlog teksta konkursa je sastavni dio odluke.

O b r a z l o ž e n j e

Shodno odredbama Zakona o visokom obrazovanju (Službene novine Kantona Sarajevo br. 36/22), Zakona o slobodi vjera i pravnom položaju crkava i vjerskih zajednica u Bosni i Hercegovini ("Službeni glasnik BiH, broj 5/04) od 28.01.2004. godine, Standarda i normativa za obavljanje djelatnosti visokog obrazovanja na području Kantona Sarajevo ("Sl. novine Kantona Sarajevo", broj 17/19), Pravilnika o unutrašnjoj organizaciji i sistematizaciji radnih mjesta na Fakultetu islamskih nauka Univerziteta u Sarajevu i obrazloženih zahtjeva za raspisivanje konkursa za prijem radnika u radni odnos na Fakultetu islamskih nauka Univerziteta u Sarajevu, donosi se odluka kao gore.

Dostaviti:
1x Rijaset
1x Senat Univerziteta
1x z konkurs
☒ Uz zapisnik
1x a/a.


DEKAN
Prof. dr. Mustafa Hasani